



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacramenta & mores pertinent

Abelly, Louis

Coloniæ Agrippinæ, 1659

IV. De horarum canonicarum recitatione.

urn:nbn:de:hbz:466:1-38979

ARTICVLVS IV.

De horarum canonicarum recitatione.

HOrarum canonicarum nomine intelliguntur publicæ quædam ac determinatae preces horis diurnis nocturnisque ab ecclesiasticis personis ex sacrorum canonum decreto ecclesie nomine ad Deum persoluenda, quæ etiam interdum officij diuini vel Ecclesiastici nomine significantur.

Quatuor autem præsertim de horarum canonicarum recitatione quærisolent: Primum est, quinam ad horas illas recitandas obligentur. Secundum, quomodo horas illæ recitari debeant, ut obligationi illi satisfiat. Tertium, quibus poenis subiaceant illi, qui recitare omittunt. Quartum denique, quæ sint causæ ab hac horarum recitatione excusantes.

QVÆSTIVNCVLA I.

Quanam personæ obligentur ad recitandas horas canonicas.

HOrarum canonicarum recitandarum obligatio ex triplici capite oritur, nimirum ex susceptione Ordinis Sacri, ex beneficio Ecclesiastico, & ex religiosis status professione, ac proinde tria sunt genera personarum, quæ ad recitationem illam obligantur, initiati sacris ordinibus, beneficium aliquod obtinentes ac Religiosi.

Atque in primis certum est omnes & quoscunque Clericos in sacro aliquo Ordine constitutos, ad horas canonicas priuatim recitandas sub culpa mortali obligari, etiamsi nullum Ecclesiasticum beneficium obtineant ita communiter Doctores ac præsertim Ang. Syl. Azor. Co-

Maff.

uarr. Medina, Sot. Suar. Tol. & alij apud Laym. tract. i. de
horis canonicas cap. 4. & aperte constat tum ex cap. Dolen-
tes de celebratione Missarum, tum maximè ex generali
totius Ecclesiæ praxi & consuetudine, quæ vim legis ob-
tinere merito censetur, ut rectè obseruat Nau. cap. 7.
num. 2.

Certum est præterea, omnes ac quoscunque Clericos
beneficium aliquod Ecclesiasticum obtinentes, licet
nullo sacro Ordine insignitos ad easdem horas canoni-
cas recitandas similiter obligari, ut habetur ex cap. Quia
per ambitiosam de rescript. in 6. & ex Conc. Lateran. sub Le-
one X. sess. 9. in Bulla reformationis parag. Statuimus,
quam constitutionem postea renouauit & explicauit
Pius V. bullâ suâ 138. quæ refertur apud Nau. cap. 26. n. 122.

Quod vero spectat ad religiosos, quamuis qui-
dam Doctores existimant illos ad horarum canonicas recitationem minime teneri, nisi vel sacram aliquem ordinem suscepint, vel speciali aliquo regulæ sive statuto ad id obligentur; vera nihilominus & in praxi tenenda est contraria sententia, quæ afferit religiosos omnes, ac singulos (exceptis Nouitijs, ac Laicis conuersis) qui profittentur Religionem choro addictam non minus quam Clericos maioribus ordinibus initiatos, sub mortali peccato ad horas canonicas recitandas obligatos esse; idque vi generalis consuetudinis, quæ in omnibus Religionibus choro addictis recepta est. Ita S. Anton. Barth. Medina, Emanuel Rodrig. Suar. Azorius, Valentia, Bellar. Less. & alij, quos citat, & sequitur Laym. cap. 4. de horis canonicas, Toletus etiam lib. 2. cap. 12. afferit non modò religiosos, sed etiam moniales professas ad easdem horas recitandas obligari; quod tamen cum duplice limitatio ne intelligendum videtur. Prima est, ut illæ tantum ad id obligentur, quæ religionem choro addictam professæ sunt, vnde religiosæ illæ, quæ se ad infirmorum obsequium totas deuouerunt ab huiusmodi recitatione, ut plurimum censemur immunes. Secunda est, ut ex instituto Ordinis sui alias preces loco canonicarum recitandæ, illis

præ-

Præscriptæ non sint; quâ ratione moniales illæ, qui exstituto suo ad recitandum officium paruum Beata Mariae Virginis solummodo tenentur, ad maius officium peroluendum non censentur obligatae.

QVÆSTIVNCVLA II.

Quomodo canonicae horæ recitari debeant.

Qatuor in recitatione horarum canonicarum præsertim obseruanda, qualitas scilicet illarum, auctoritas, & in iis recitandis aptum tempus, & modulus debitus.

Quod spectat ad primum, omnes, qui ad horas canonicas obligantur, tenentur eas recitare iuxta præscriptum Breuiarij Romani à Pio V. editi, & à Clemente VIII. reformati, exceptis Ecclesijs, Monasterijs & Conuentibus, quæ iam à ducentis annis ante illius editionem ab breuiario usi fuerint, quibus permittitur, ut illud deinceps retineant; nisi malint cum Episcopi sui & Capituli consensu, Romanum Breuiarium acceptare. Ita expressè habetur in bulla Pij V. ipsi Breuiario Romano prefixa, addita Suar. c. 2. de relig. l. 4. c. 11. n. 4. postquam dictæ Ecclesiæ Breuiarium suum cum Romano semel commutávunt, non posse deinceps hoc relicto suum antiquum reappare, eò quod Pontificiæ concessioni antiquum ritum retainendi renunciasse censentur.

Quamuis autem in publica recitatione officij, quæ sit in choro, usus proprius cuiusque Ecclesiæ seruari debet; & maximè deceat Clericos in priuata ciudem officij recitatione Ecclesiæ sua ritum sequi; multi tamen Doctores probabiliter existimant, cuius extra chorum licetum esse, posthabito Ecclesiæ suæ Breuiario, Romanum recitare. Ita Nau. Rodrig. Emmanuel Sa, Less. & alij, quos citat & sequitur Laym. cap. 5. de hor. canon.

Quòd si (ut interdum contingere potest) ex inaduentia, quis officium mutet, v. g. officium de feria, pro officio

officio alicuius festi proprio, recitet, quamuis laudabile sit, vt, postquam id aduerterit, officium prætermisum repetat, adid tamen sub peccato non obligatur, quia, dummodo septem horæ canonice integræ recitentur, præcepit Ecclesiasticum quoad substantiam seruari censetur: Ita Sylv. Caiet. Azor. Less. & alij apud eundem Laym. sup. qui tamen addit ex Suar. si officium utrumque sit æquivalens, consultum esse ea subiungere (si commode fieri possit) quæ internissio officio propria sunt: si autem officium, quod per errorem recitatum est; multò breuius sit, v.g. sit de Sancto, cum de Dominica fieri debuisset, compensationem aliquam esse faciendam dicendo v.g. nouem psalmos ex primo Dominice nocturno, ne tam notabilis pars officij intermissa maneat. Similiter si quis ex obliuione, vel ex aliqua causa, ordinem horarum inuerterit, si v.g. vesperas recitauerit ante sextam, aut nonam, sufficit, vt omissas horas repeatat, nec enim nullum peccatum est, saltem mortiferum, ordinem horarum inuertere, cum eiusmodi ordo extra chorum non sit sub præcepto, nisi secundario, & tanquam circumstantia minoris mometi vt docet Less. c. 37. dub. 12.

Quod spectat ad secundum, septem sunt horæ canonice scilicet Matutinum cum Laudibus, Prima, Tertia, Sexta, Nona; Vesperæ, & Completorium quæ singulæ integrè recitari debent, idque continuè & sine notabili interruptione vt habetur cap. *Nihil* 7. q. 1. cap. *Nullus*, de consecrat. dist. 1. & in Con. Basileen si sess. 21. cap. *Qualiter hore*. Sed difficultas est quale sit peccatum, cum quis horarum recitationem interruptit. Resp. nullum esse peccatum, si hæc interruptio fiat ex causa aliqua iusta v.g. si vocetur quis à superiore, vel si ex charitate, vel necessitate aliquid faciendum occurrat, quod differri commode non possit sit: si vero nulla eiusmodi causa subsit. Nau. cap. 16. tract. de orat. existimat, interruptionem illam sine peccato mortali fieri deliberatè non posse: alij tamen communiter censent quantumcumque sit interruptio illa, secluso contemptu, non incurri nisi peccatum venia.

Dd

ale,

ale, neque ullam esse obligationem officium aut horam inchoatam repertendi, quæ nullam ut plurimum inter se connexionem habent, cum singuli Psalmi, imo singuli penè versiculi per se suam significationem completam retineant. Ita Peltan. Zeech. Caiet. Suar. Less. & alii, quos citat Laym. sup. cap. 5. Monet tamen Comitolus lib. 1. resp. q. 66. si interruptio quamvis iusta, diurna tamen fuerit consultum esse repetitionem facere saltem ab initio nocturni vel psalmi si id commodè fieri possit.

Quod spectat ad tertium, in recitatione quidem publica horarum, tempus à legitima consuetudine præscriptum seruari debet: in priuata autem, et si laudabile sit, ut singulæ horæ suis temporibus & interuallis recitentur, ad vitandum tamen peccatum mortale, sufficit ut recitentur eo interuallo quod est inter medium noctis præcedentis & sequentis; qui enim intra illud tempus horas recitauerit sive initio, sive in medio, sive in fine, satisfacti substantia præcepti, ut docet Tol. lib. 2. c. 13. Less. supra, & alij communiter. Quamvis autem id circa peccatum mortale fieri possit, nihilominus, qui ex culpabili negligentia tempus horis recitandis præscriptum notabiliter inuerteret, peccati venialis reatum haud dubie incureret, v. g. si absque villa causa summo manè horas omnes etiam vespertinas & completorium, aut post meidiem matutinum illius dici recitaret.

Observat tamen Less. sup. ex consuetudine licitum esse matutinum & laudes recitare pridie, post solis occasum, ut Caiet. Nau. & alij dicunt: imo etiam ante solis occasum, post tempus Vesperarum, & Completorij, ut docet S. Tomas quod lib. 5. art. 8. unde ubi hæc absoluvi solent, in Ecclesiis horæ quartæ pomeridianæ licitum est priuatim nocturnum officium sequentis diei inchoare, cui laudes adiungi vel ab illo disiungi possunt, & in sequentem diem differri: parvæ autem horæ non possunt dici pridie sed solùm post medianam noctem, possunt tamen omnes usque ad vespertas exclusiue ob aliquam haec stam causam recitari manè, teste Nau. sup. imo si causa iusta-

iusta subsit, etiam vesperæ adiungi possunt, vt censet idem Lessius vt satis aperte colligitur ex cap. i. de celebrat. Mislarum: est autem iusta causa si quis perspiciat se maiori cum deuotione, aut animi tranquillitate horas illas manè recitare: vel si vereatur ne in aliis temporibus occurraut occupationes, aut interpellationes quæ animum distrahant; Optimè & aposito Hugo de S. Victore dixit (vt refert Paludanus) in 4. dist. 15. q. 5. *Ante horam orare, prouidentia esse, post horam, negligentia? in hora, obediens?*

Quod denique ad 4. spectat; in Con. Lateran. sub Innocentio III. cap. Dolentes districtè præcipitur ut Diuinum officium nocturnum pariter, & diurnum studiose ac deuotè celebretur.

Studiose quoad officium oris vt Glossa inter pretatur: id est, vt verba debitè proferantur, vt habetur in Conc. Basiliensi sess. 21. cap. Qualiter hora canonica: ut non in gutture, vel inter dentes seu deglutiendo, aut syncopando dictiones, vel verba sed referenter verbis distinctis officium perfoluatur. Quamuis autem si id ex inaduententia aut infirmitate aliqua, seu balbutie linguae proueniat, nullum sit peccatum: si tamen ex negligentia, aut culpabili præcipitatione, exire peccatum, veniale quidem si non sit magnus excessus; mortale vero si haec omissio, & syncopatio syllabarum ad notabilem aliquam partem officij pertingat; quo casu recitans tenebitur, id quod indebetè prolatum est, repetere, vt docet Less. cap. 37. dub. 10.

Deuotè quoad officium cordis: quod quidem requirit vt attente & reuerenter officium reciteretur. Cum autem multiplex esse possit attentio, vel ad sola verba, vt rectè proferantur; vel ad verborum sensum, vt mente & corde percipiatur; vel ad Deum, quem vt praesentem recitans intuetur, ad eunq[ue] petitiones suas & affectus dirigit, aut circa quem occupatur, veritates aliquas aut mysteria fidei considerando, vt sic se ad eius amorem exitet: quazit, quanam attentio necessaria sit ad hoc, vt quis hoc rarum recitandarum obligationi satisfaciat. Quidam Doctores, quos citat Less. dub. 11. docent primam attentionem

Dd 2

attentionem

tionem, quæ est ad sola verba rectè proferenda, esse sufficientem; quibus etiam subscriptit Tol. lib. 2. cap. 11. Alij tamen probabilius existimant attentionem illam esse quidem necessariam, non tamen solam sufficere, nisi adsit quoque attentio ad sensum verborum, aut faltem generalis aliqua attentio ad Deum, aut ad ea quæ Dei sunt. Ita Ioan. Gerson, Major, Sot. Nau. Caiet. Suar. Less. & plures alij quos citat Laym. c. 5. de hor. can. quibus accedit authoritas S. Doctoris in 4. dist. 15. q. 4. a. 2. q. 4. ad 2. & hæc sententia videtur magis tuta & in præcepto tenenda: quis enim dixerit eum satisfacere præcepto recitandi officium diuinum, qui animo sponte & deliberatè vanis cogitationibus distracto, labiis solummodo verba illius officij protulerit: Ecclesia certè præceptum illud imponendo ministris suis, intendit ut ab illis nomine totius populi Christiani Deus laudetur, exoretur. & quomodo verò Deus laudari vel exorari poterit ab ijs, quibus ipse exprobrab: *Populus hic labiis me honorat; autem eorum longè est à me.* Vnde etiam supradicti Doctores & nominatim S. Thomas censem distractiones illas voluntarias, & deliberatas esse peccatum mortale, quando notabiliter durant; seu cum quis in parte aliqua notabili officij voluntariè & deliberatè distrahitur; aut quando aduertens se distractiōnibus implicari, eas à se non abicit: quamuis enim in orationibus ad quas nulla est obligatio, distractio quævis licet voluntaria, excluso contemptu non sit nisi peccatum veniale, vt docet Caiet. Sot. Less. & alij apud Laym. sup. in ijs tamen precibus ad quas sub peccato mortali obligamur, distractio notabilis, absque peccato mortali admitti deliberatè non potest.

Neque dicas, Ecclesiam iudicare non posse de internis actibus, ergo nec illos præcipere: quia, ut rectè docet Less. sup. Ecclesia potest præcipere actus internos quando necessarij sunt, ut actus externi ab ea imperati sint actus virtutis; alias Ecclesiaz præceptis posset satisfieri per meram hypocrisim & simulationem; quod, quæ absurdum sit, nemo non videt.

Ex his patet, ad debitam attentionem in recitando officio requiri, ut verba officij debite proferantur, animo erandi & laudandi Deum, nec interim quidquam profanum sponte volvatur animo: sponte inquam: qui enim iniuritus distraheretur, non peccaret; & in eius oratione semper repixeretur attentio: si non actualis: saltem virtualis, ratione primi propositi quod habuit inchoando officium & haec virtualis attentio, sicut in aliis astibus virtutis, sic etiam in oratione sufficit.

Porrò ad attentionem illam debitam non minimum confert reverentia, tum interior quam excitat fides, tum exterior quæ ex illa interiori procedit, consistitque in electione prudenti temporis, loci, & externæ compositionis idoneæ ad orandum: quamvis enim exteriores illæ circumstantiaz ex libera cuiusque electione pendent, tamen maximè decet ut in religionis actus cum tali gestu & habitu corporis fiat, quo debitum nostræ erga diuinam Majestatem submissionis affectum protestemur; neque illus est qui se non fateatur peccasse, si minus modestè & reuerenter officium illud persoluerit.

Est autem præsertim cœendum, ne dum quis horas recitat, alias actiones simul exerceat, quæ cum oratione censentur omnino incompatibilis, quale est, scribere, fieri enim non potest teste ipsa experientia, ut quis simul & orationi & scriptiori attendat, immo tunc ab aliis quibuscumque actionibus exterioribus aliquo modo incompatibilibus abstinere consultissimum est, quæ vel attentionem minuere vel reverentiaz debitæ minus congruere censentur.

QVÆSTIVNCVLA III.

Quibus pœnis subiaceant ij, qui horas canonicas recitare omittunt.

Certum est ex communi Doctorum consensu, obligacionem ad horas canonicas, recitandas, grauen esse

D d 2

507

esse, & sub peccato mortali ex suo genere, cum sit ex virtute religionis, & in beneficiarijs eriam ex virtute iustitiae. Ita S. Anton. Med. Suar. & alij apud Laym. c. 4. de Hor. Requiritur tamen omissio materiae notabilis, cuiusmodi est integrum vnius diei officium, vel integra aliqua hora, imo Nau. c. 7. de orat. n. 6. existimat, omissionem tertiae partis vnius parvae horae v.g. vnius Psalmi cum hymno esse peccatum mortale; quod tamen Lessio. cap. 34. dub. 9. nimis durum videtur.

Iam præter peccati mortalis reatum, quem incurrit qui totum vnius diei officium, vel aliquam notabilem illius partem recitare omittit, Conc. Lateran. sub. Leone X. sess. 9. speciali constitutione (qua postmodum a Pio V. renouata fuit & explicata, ut supra initio articuli dictum est) decreuit, ut quiuis beneficiarius, qui elapsus sex mensibus a consecutione beneficij, sine legitimo impedimento officium diuinum recitare omiserit, pro tempore illius omissionis teneatur ad fructuum restituendum.

Ex qua quidem constitutione colligitur, eum qui primis sex mensibus post adeptam beneficij possessionem officium non recitauerit, peccare quidem grauiter, non tamen ad restitutionem teneri, vi illius constitutionis: quod si post illos sex menses elapsos adhuc omiserit, tunc ad faciendam restitutionem obligabitur, pro rata illius omissionis; unde qui per vnum diem officium omisit, tenetur illius diei fractus restituere: qui matutinum tantum omiserit, dimidiā partem, & sic seruata proportione de alijs, qua quidem restitutio facienda est fabricæ, vel pauperibus, siue illius loci, vbi beneficium situm est, vel alterius.

Quamvis autem Concilium omnes fructus restituidos esse decreuerit; recte tamen Sot. Med. Henri. Tel. Less. & alij apud Laym. c. 5. de Hor. can. docent, hoc illius decretum intelligi posse cum tali moderamine, ut beneficiarij qui præter horarum recitationem alia quoque habeant annexa onera, eam solummodo fructum

partem

partem restituant, qua iudicio viri prudentis Horarum Canonicarum recitationi seruata debita proportione respondere censemur: qua ratione e. g. Toletus existimat Curatum teneri ad restituendam tertiam partem frustuum, Medina quartam sufficere dicit, Henr. & Emmanuel Sæ quintam: Laymannus omnium optimè censem considerandam esse tum quantitatatem onerum, & officiorum quæ beneficiarius siue Curatus siue quilibet alius præter horarum pensum praestare tenetur, & recipia præstat: quæ quidem officia interdum tam multa & gravia sunt ut viri prudentis arbitrio sextuplo imò interdum decuplo superent Officium Horarum Canonicarum: cum etiam quantitatem redditum fieri enim possit ut reditus illi interdum vix æquunt iustum vita stipendum, quod beneficiario ob aliorum munierum præstationem naturali iure deberetur: quibus omnibus personis maior cum æquitate determinari potest, qua restitutio ob supradictam horarum omissionem iniungenda sit.

QVÆSTIVNCVLA IV.

*Quanam causa ab Horarum Canonica-
rum recitatione excusat.*

Prima est grauis infirmitas, qua talis est ut sine magna difficultate aut corporis periculo Horariæ prece-
recitari posse non videantur: neque enim Ecclesia in eiusmodi casu obligare intendit, vt sumitur ex c. *Clericus victum* dist. 91. & docent Azor, Suar. Tol. & alij apud Laym. c. 6. de Hor. Can. In dubio autem an talis sit infirmitas qua excusat, iudicio confessarij, vel medici, aut alterius pij & prudentis viri standum est.

Secunda est grauis & repentina occupatio, qua sine scandalo vel notabili detimento proprio vel alieno omitti aut differri nequit, cum qua tamen Officij diuinæ recitatio moraliter loquendo consistere nos potest, r-

Dd 4

g. 21

g. si populi tumultus subito exortus sedandus si; confessiones infirmorum excipiendæ, quæ non nisi cum notabili periculo illorum deferri possint. si tamen recitatio illa intra eumdem diem naturalem absque maxima difficultate anteponi vel postponi possit, id fieri debet; ita citati authores apud eumdem Laymannum suprà.

Tertia est recitandi impotentia; v. g. si quis iter faciens in terris infidelium amittat Breuiarium, nec aliud reperire possit, haud dubiè excusabitur cum ad impossibile nemo teneatur.

Quæres utrum; qui ob causas supradictas integrum diei Officium recitare non potest, teneatur saltæ illius partem aliquam recitare si possit. Nau. Azor, Rodrig. & alij apud Laym. existimant, si quis maiorem saltæ, vel præcipuam officij partem v. g. Matutinum cum Laudibus recitare possit, obligandum esse; non item si partem solùm minorem vel minus præcipuam, v. g. paruas Horas, vel etiam Vesperas. quod quamvis probabiliter dicessit, probabilior tamen videtur & in praxi tenenda sententia Suaris iib. 4. de Horis Canon. cap. 28. num. 27. & Laymanni sup. qui cenfet eum qui commode potest integrum aliquam Officij Ecclesiastici Horam recitare, teneri ad illam recidandam: quod si dubitet num possit unam horam integrum recitare, certus sit autem se non posse omnes, præsumere potest se omnino excusatum: in his enim casibus leges Ecclesiarum non obligant cum tanto negotio, ut materiam anxietatis, & scrupulorum pariant.

Quarta denique cedula excusans à recitatione Horarum, est quando beneficiarius nondum sacris Ordinibus initiatus nullos vel adeò tenues fructus è beneficio percipit, vt æstimabilem aliquam partem sustentationis non præbeant, q̄uintam v. g. aut sextam. Ita Sod. Antonius, Less. & alij quos citat & sequitur Laym. c. 5. de benef. Quod intelligendum est dummodo non stet per beneficiarium illum quo minus beneficij sui fructus percipiat, neq; illos aliquando percepturus sit, vt fuisse explicat idem Laym. l. 2. c. 34. dub. 31. Recte tamen monet

Lessius

Leffius eos qui tenues redditus è beneficiis recipiunt, quamvis ad quotidiam Horarum recitationem non obligentur, obligari tamen ad Horas illas aliquoties per annum recitandas, aut saltem ad alias alias preces, v.g. ad recitandum Officium parvum Beatae Virginis, singulis diebus Dominicis aut festiis: quod iudicio pii & prudentis confessari determinari debet.

ARTICVLVS V.

*Explicantur reliqua iuxta Canonicas
sanctiones ad Clericalis vitæ
disciplinam spectantia.*

Consilium Tridentinum se ss. 22. c. 1. de refor. totius disciplinæ Ecclesiastice summam paucis complecti volens hocdecretum scitu & obsernatu dignissimum condidit: quod integrum h̄c exscripsimus. Nihil est, inquit, quod alios magis ad pistatem, & Dei cultum assidue instruat, quam eorum vita, & exemplum, qui se diuino ministerio dedicarunt. Cūm enim à rebus: facili in altiorem sublati locum conspiciantur, in eos, tanquam in speculum, reliquæ oculos coniiciunt ex ipsisque sumunt quod imitentur. Quapropter sic dec et omnino Clericos in sortem Domini vocatos, vitam moresque suos omnes componere, ut habitus, gestus, incessus, sermone aliisque omnibus rebus nil, nisi graue, moderatum ac religione plenum praeserant: leuis etiam delicta, quæ in ipsis maxima essent, effugiant; ut eorum actiones cunctis afferant venerationem. Cūm igitur, quo maiore in Ecclesia Dei & utilitate, & ornamento hac sunt, ita etiam diligentius sine obseruanda statuit sancta Synodus, ut, quæ alias à summis Pontificibus, & à sacris consiliis de Clericorum vita, honestate, cultu, doctrina, retinenda, ac simul de luxu, commissationibus choreis, aleis, lusibus, ac quibusunque criminibus, nec non do-

Dd 5

facto-